

BAHAN CETAK VS DIGITAL APA PILIHAN ANDA...?

REAKSI

"Dalam menyiapkan tugas bertulis berkualiti dan penuh isi serta fakta yang bagus, buku merupakan sumber utama seharusnya setiap mahasiswa jadikan rujukan. Carian di Internet atau carian google juga banyak sumber sahih. Walau bagaimanapun, perlu berhati-hati dalam menapis maklumat di Internet supaya tidak tersilap fakta yang ingin diguna pakai."

- Muhammad Farhan Mohd Rani, Fakulti Ekonomi Dan Sains Pengurusan, UniSZA



"Pada pendapat saya, sumber rujukan daripada buku lebih dipercayai dan berkualiti berbanding Internet yang terdedah kepada plagiat. Namun begitu, maklumat daripada Internet masih boleh digunakan sebagai informasi tambahan bagi menampung fakta yang didapati daripada buku."

- Nurul Ain Farhana Elias, Fakulti Sains Kesihatan (Dip. Teknologi Makmal Perubatan), UniSZA



"Bagi saya, 70 peratus lebih kepada penggunaan buku berbanding selebihnya rujukan Internet kerana lebih mudah berdasarkan pembahagian skop dan tajuk tertentu. Walau bagaimanapun, tidak dinafikan rujukan daripada Internet juga boleh diguna pakai tetapi perlu disemak atau diteliti oleh pensyarah terlebih dahulu bagi mengelakkan isu maklumat palsu atau plagiarisme."

- Nurulaida Ishak, Fakulti Pengajian Bahasa Utama (FPBU), Usim



"Saya lebih gemar guna 'encik google' sebagai rujukan dan banyak bantu dalam menyiapkan tugas. Juga lebih mudah kerana pelajar dapat mencari informasi dengan lebih efektif dan efisien. Cuma, gunakanlah sebaik-baiknya, bukan sekadar copy & paste, tapi jadikan rujukan untuk membantu mencari idea baharu."

- Salina Anizar, Kuliah Economics & Management Science, UIAM



Bagi kebanyakan pelajar, sumber untuk tugas bertulis bukan hanya berdasarkan hasil amali semata-mata, sebaliknya juga memerlukan informasi tambahan sama ada melalui sumber bercetak maupun digital (Internet).

"Sudah pasti google atau sumber Internet, kerana jauh lebih cepat, banyak sumber dari seluruh dunia dan banyak membantu mengolah serta mencipta idea kreatif dalam kajian pembelajaran Master saya."

- Muhammad Azri Abdul Jalil, (MSc Sustainable Recreation & Ecotourism) Fakulti Perhutanan, UPM




"Rujukan yang saya biasa ambil kebanyakannya cara google, tapi ayat tu tak adalah copy paste, tapi olah balik mengikut kefahaman sendiri. Secara peribadi, carian google lebih mudah sebab pencarian yang pantas berbanding buku di library misalnya."

- Nur Atikah Khalid, Marketing, School of Business Management, UUM



"Bila buat assignment bertulis, saya pilih untuk membuat rujukan online berbanding buku sebab menjimatkan masa dan tak berterusan bila tak jumpa kata kunci atau maklumat pada sesuatu topik yang kita ingin dapat."

- Nur Fikriah Rosli, Diploma in English Communication, KPM Seri Iskandar



"Bila buat assignment bertulis pastinya google Internet menjadi pilihan sebab capaian maklumat yang cepat, mudah dan pastinya kurang kos. Pada zaman Revolusi Industri 4.0 ni, alhamdulillah, Internet mudah diakses serta mampu digunakan majoriti masyarakat. Tak perlu beli buku-buku yang mahal dan bawa berat buku-buku tu. Segalanya kini di hujung jari."

- Nur Asyiqin Ramli, Master Sains Teknologi Pertanian, UPM